




Bókasafn Reykjanesbæjar

ársskýrsla fyrir árið 2018



Efnisyfirlit:

Hagnýtar upplýsingar	
Lykiltölur 2018	
Hlutverk	
Leiðarljós	
Markmið	
Leiðir að markmiðum	
Aðsetur	
Opnunartími	
Húsnæði	
Tölvukerfi, sjálfsafgreiðsluvél	
Rafrænn aðgangur	
Rekstrartölur	
Starfsfólk	
Helstu verkefni ársins	
Stjórnsýslusvið	
Aðfangadeild	
Hlutverk	
Safnkostur	
Barna- og ungmennastarf	
Sögustundir/heimsóknir	
Samstarfsverkefni	
Sumarlestur	
Koffort	
Gaman að lesa saman	
Bókaverðlaun barnanna	
Fjölskyldudagar	
Barnahátíð	
Sögupokar	
Norræna bókasafnavikan	
Fjölmennning	
Heimskonur	
Heilakúnstir	
Samstarf við Miðstöð símenntunar á Suðurnesjum	
Fjölmenningsráð Reykjanesbæjar	
Þjónusta við hælisleitendur	
Millisafnalán	
Samstarf við Norræna húsið	
Heimsendingar	
Tölur yfir útlán	
Kynningar- og markaðsmál ásamt menningarviðburðum	
Reglulegir/fastir viðburðir	
Aðrir viðburðir á árinu	
Sýningar í áttthagastofu	
Kynningarmál	
Tölvu- og tæknimál	
Tölvueign	
Forrit og kerfi	
Upplýsingadeild	
Upplýsingaþjónusta og heimildaleitir	
Millisafnalán	
Notendaþjónusta	
Upplýsingavakt	
Útlánadeild	
Verksvið	
Útlán	
Viðgerðir og bókband	
Yfirlit yfir heimsóknir, ferðir, samstarfsverkefni, fundi, erindi, ráðstefnur og nám/námskeið	

Forsíðumyndin er samsett. Yfirlitsmynd frá afmælisdegi safnsins, viðburðum og upplestri.

HAGNÝTAR UPPLÝSINGAR

LYKILTÖLUR 2018: (tölur frá síðasta ári í sviga)

Útlán: 98.994 (98.440)

Útlán á íbúa: 5,6 (6,0)

Útlán frá afgreiðsluborði safns árið 2018 voru 79.492 (75.336)

Heimsendingar, útlán á Nesvelli, sjúkrahús og Hrafnistu voru 1210 (1376)

Útlán til grunn- og leikskóla (koffort, hljóðbækur, bekkjarsöfn) voru: 18.684 (18.684)

Útlán til skipshafna 425 (410)

Rafbókasafn 498 (316)

Útlán í öðrum verkefnum s.s. bókasþjalli voru 320 (540)

Millisafnalán voru 2.885 (3.339)

Fjöldi lánþega með gild kort 31. desember 2018 2.700 (2.742)

Heimsóknir leikskólabarna í sögustundir: 126 (119)

Heimsóknir bekkja úr grunnskólum: 40 (16)

Sumarlestur: 282

Þjónustutími: 51 klst á viku

Þjónustudagar: 297 (297)

Fjöldi skráðra eintaka í Gegni 31. 12 2018: 64.226 (65.342)

Fjöldi starfsmanna í árslok 2018: 9 (9). Stöðugildi 6,95 (6,7)

Hlutverk og markmið skv. Bókasafnalögum nr. 150/2012

Almenningsbókasöfn eru menningar-, upplýsinga- og menntastofnanir. Markmið og hlutverk bókasafna og starfsemi þeirra eru samkvæmt lögunum að bókasöfn eru þjónustustofnanir sem starfa í þágu almennings og eigenda sinna og eru ekki rekin í hagnaðarskyni. Markmið bókasafna er að veita aðgang að fjölbreyttu safnefni og upplýsingum á mismunandi formi. Þau skulu efla menningar- og vísindastarfsemi, menntun, símenntun, atvinnulíf, íslenska tungu, ánægjulestur og upplýsingalæsi. Allir landsmenn skulu eiga kost á að njóta þjónustu almenningsbókasafna.

Tilgangur laga þessara er að efla starfsemi og samvinnu bókasafna þannig að þau geti sem best gegnt því hlutverki sínu að vera þekkingarveitur og fræðslustofnanir sem halda uppi virkri og fjölbættri upplýsingaþjónustu á sem flestum sviðum og tryggja jafnframt varðveislu þess menningararfs sem bókasöfn hafa að geyma.

Út frá hlutverki safnsins skv. lögum hafa verið sett fram eftirfarandi markmið og leiðarljós:

Leiðarljós Bókasafns Reykjanesbæjar

Í samvinnu við íbúa bæjarfélagsins leitast starfsfólk við að veita vandaða bókasafns- og upplýsingaþjónustu í bjartri, opinni og vingjarnlegri stofnun.

Markmið Bókasafns Reykjanesbæjar er:

- Að veita góðan aðgang að fjölbreyttum safnkosti til aukinnar þekkingar, þroska, vísýni og afþreyingar fyrir alla íbúa Reykjanesbæjar.
- Að verða lifandi í hugskoti íbúanna sem heilsulind hugans og fjölbreytt menningar- og upplýsingastofnun.
- Að vinna stöðugt að því að lestur verði lífsstíll allra aldurshópa.
- Að vera til styrktar í hverskonar þekkingarleit og standa vörð um íslenska tungu.
- Að upplýsa um bæjarfélagið og margvíslega þjónustu þess.
- Að vera í framvarðasveit íslenskra almenningsbókasafna um jákvæða, markvissa og öfluga þjónustu.

Þetta gerum við með því að:

- Vanda val bókakosts, tónlistar og kvikmynda, hafa rúman opnunartíma, leiðbeina um safnið og samskrá íslenskra bókasafna og leitir.is, hafa gott aðgengi fyrir fatlaða og heimsendingarþjónustu fyrir sjúka og aldraða.
- Gera hæfniskröfur til starfsmanna um góða þjónustu og stuðla að símenntun þeirra.
- Vinna stöðugt að kynningu safnsins og laða íbúa að.
- Leggja áherslu á mikilvægi lesturs í barnastarfi og fitja upp á nýbreytni í kynningu safngagna. Hafa íslenskt efni í fyrirrúmi og safna sérstaklega efni um Reykjanesbæ og nágrannabyggðir í Átthagadeild.
- Veita nútíma- og faglega upplýsingaþjónustu, millisafnalán, aðgang að nýjustu rafrænu miðlum og lestraraðstöðu.
- Hafa góða samvinnu við önnur söfn og viðeigandi fagfélög.

Aðsetur: Bókasafn Reykjanesbæjar er til húsa í Ráðhúsi Reykjanesbæjar, Tjarnargötu 12 í Reykjanesbæ.

Póstfang 230. Sími 421 6770, bréfasími 421 4667. Netfang: bokasafn@reykjanesbaer.is, veffang:

sofn.reykjanesbaer.is/bokasafn.

Opnunartími: Safnið er opið mánud. – föstud. kl. 9-18 og laugardaga 11-17 allt árið.

Húsnæði: Safnið er í 911 m² húsnæði sem skiptist í tvær hæðir. Efri hæð er 500 m² og neðri hæð 411 m².

Tölvukerfi, sjálfsafgreiðsluvél: Bókasafnskerfi safnsins er Gegnir, landskerfi bókasafna. Ein sjálfsafgreiðsluvél er á safninu.

Rafrænn aðgangur: Bókasafnið tekur þátt í rekstri landsaðgangs að rafrænum gögnum, sjá hvar.is. Bókasafnið er aðili að Rafbókasafni rafbokasafn.is.

Rekstrartölur: Fjárhagsáætlun 2018 hljóðar upp 82.300.000 kr. Tekjur voru áætlaðar 5.100.000 kr. og launakostnaður 55.200.000.

Starfsfólk: Í árslok 2018 voru 9 (9) starfsmenn á safninu í 6,95 (6,7) stöðugildum. Þeir eru: Anna María Cornette, Guðný Kristín Bjarnadóttir, Guðríður Anna Waage, Jóna Þórudóttir, Oddný Leifsdóttir, Sjöfn Eysteinsdóttir, Stefanía Gunnarsdóttir, Valgerður Björk Pálsdóttir og Þórey Ösp Gunnarsdóttir. Auk þess voru Saga Eysteinsdóttir, Hreggviður Hermannsson, Elísabet Björnsdóttir og Sigurbergur Bjarnason í afleysingum. Anna Margrét Ólafsdóttir fór í fæðingarorlof og Rannveig L. Garðarsdóttir í ársleyfi. Á haustdögum kom frönsk stúlka í starfsnám, Marion Desplanches, og starfaði með okkur í átta vikur.

Helstu verkefni ársins: Almenningsbókasöfnin á Suðurnesjum fengu styrk úr Uppbyggingarsjóði Suðurnesja til áframhaldandi kynningar á bókmenntaarfinum og til þess að hefja söguverkefni í ritun fyrir börn. Einnig fékk bókasafnið styrk úr Þróunarsjóði innflytendamála. Fyrri hluti ársins fór í undirbúning 60 ára afmælis bókasafnsins. Fjöldi bæjarbúa mættu í bókasafnið, samglöddust og brögðuðu á afmælisköku. Allir fengu fjölnota poka með afmælismarki safnsins og börnin fengu trélti. Afmælissýning safnsins í Átthagastofu var metnaðarfull og sýndi þróun bókasafna í árþúsund og framtíð þess. Áfram var augin áhersla á læsi og vekja áhuga á lestri m.a. í gengum Allir lesa átakið og HM átakið í samvinnu við Menntamálastofnun. Jákvæð umræða um lestur skiptir máli og skilar sér. Hástökkvarinn er Rafbókasafnið með 55% aukningu útlána. Í haust for forstöðumaður til Finnlands ásamt Guðlaugu Lewis þar sem fór fram vinna við styrkumsókn í Nordplus Adult. Þar var ákveðið að sækja um í flokkinn þróunarverkefni. Byggt á þeirri hugsun að með góðu framboði á óformlegri fullorðinsfræðslu og þátttöku í menningarstarfi sé hægt að bæta lífsgæði íbúa á marga vegu. Byrjað var á nýrri framtíðarsýn fyrir Bókasafn Reykjanesbæjar. Að öðru leyti var starfsemi safnsins hefðbundin.

Stjórnsýslusvið

Ásbjörn Jónsson er sviðsstjóri stjórnsýslusviðs. Menningarráð skipa þau Elva Hrund Guttormsdóttir (formaður), Kristján Jóhannsson, Linda María Gunnarsdóttir, Þórunn Kristín Jónsdóttir og Sigrún Inga Ævarsdóttir.

AÐFANGAÐEILD

Hlutverk aðfangadeildar er skráning og tenging nýrra bóka, tímarita og annarra safngagna í Gegni, Landskerfi íslenskra bókasafna. Öll skráning fer fram eftir alþjóðareglum sem miðast við að auðvelda aðgengi notenda að safnkostinum, sem í okkar tilfelli birtist á www.leitir.is og á heimasíðu [bokasafnsins](http://bokasafnsins.is). Byrjað var að taka lágmarksgjald fyrir allar nýskráningar fyrir önnur söfn sem óska eftir þjónustu safnsins. Samkvæmt tölugögnum Landskerfis bókasafna taldist fjölbreyttur safnkostur Bókasafns Reykjanesbæjar í lok ársins 2018 64.226 (65.342) eintök bóka og annarra safngagna sem skiptast m.a. í 56.013 bækur, þar af 35.268 titlar, 5.179 eintök tímarita, 1.269 hljóðbækur, 393 hljómdiskar og 849 mynddiskar. Mikið var grisjað úr safnkosti á árinu, helst þá úr geymslum safnsins og gömul eintök sem ekki hafa farið í útlán. Til er grisjunarstefna sem farið er eftir við grisjun safnkosts, enn fremur er sú stefna í stöðugri þróun. Ekki voru miklar breytingar á innkaupum á efni til safnsins á árinu en á vordögum var farið í að bæta við pólskan bókakost. Notkun lánþega á Rafbókasafninu hefur verið að aukast jafnt og þétt og er 55% auking útlána á milli ára. Rafbókasafnið hefur mælst vel hjá lánþegum, bæst hefur í það efni sem er að finna þar á íslensku.



BARNA- OG UNGLINGASTARF

Sögustundir/heimsóknir: Tímabilum sögustunda er skipt niður í vorönn (frá ársbyrjun til sumars) og haustönn (frá hausti til áramóta). 126 leikskólaheimsóknir voru skráðar á árinu frá 10 leikskólum. 40 grunnskólaheimsóknir og tæplega 1050 börn komu í heimsókn á safnið á árinu í kynningu á safninu og í Vallaleikinn. Þar að auki voru hópar frá grunnskólunum að heimsækja safnið án þess að fá formlega móttöku. Einnig hafa dagmæður komið með yngstu börnin. KFUM og K komu í heimsókn með 65 börn. Það komu 380 börn í Vallaratleik á safnið auk þess sem grunnskólahópur úr Garðabæ komu í leikinn og upplestur. Um 300 börn komu á bókasafnið á öskudeginum, sungu fyrir starfsmenn og fengu trélti að launum.

Samstarfsverkefni: Barnabókavörður er í samstarfi við aðra barnabókaverði á landinu og fylgist með því sem fer fram á öðrum bókasöfnum. Barnabókavörður tekur einnig þátt í umræðum sem varða barna- og unglíngabækur á

póstlistum um málefni bókasafna. Umsjón með vali á barnabók ársins er í höndum Borgarbókasafns en almennings- og skólabókasöfn um land allt fá rétt til þátttöku.

Sumarlestur: Boðið er upp á sumarlestur 1. júní – 31. ágúst á hverju ári fyrir börn á milli 6 – 16 ára og elsta árgangi leikskólanna. Sumarlestrarleikir gengu vonum framar. Yfir 419 leikjablöð og 282 skráningar bárust. Í fyrsta skipti var farið með kassi í alla skóla til að börn gætu skilað inn þátttökumiðum ef þau eiga erfitt með að komast á safnið. Tvisvar í mánuði var dregið úr sumarlestursleikjunum og vinningshafar fengu bókaverðlaun. Í tilefni HM í fótbolta voru veitt fótboltabók eftir Gunnar Helgason og HM fótbolti, bolti & bók. Starfmenn klæddu sig í sérmerktar landsliðstreyjur. Haldið var áfram með óvissupakka bókasafnsins þar sem börnin gátu komið og fengið lánaðan pakka með þremur bókum (Léttfeti, Miðlungur og Fullsterkur). Á uppskeruhátíð sumarlesturs kom Húlladúllan og allir þátttakendur fengu tréliti og sápukúlur að gjöf. Í ár var einnig bætt við vikulegri föndurdagskrá tengdri sumarlestrinum.

Koffort í leikskólum Reykjanesbæjar: Bókasafnið er með 1 koffort í átta leikskólum bæjarins. Samtals á safnið 1197 bækur í þessum koffortum sem eru í mikilli notkun. Koffortin eru orðin löskuð eftir áralanga notkun og því voru þrjú koffort endurnýjuð á árinu auk þess sem koffortsbæklingsurinn var uppfærður. Markmiðið með kofforti í leikskólanum er að börn hafi aðgengi að bókum, geti fengið að láni bók með sér heim og valið úr úrvali góðra bóka.

Gaman að lesa saman: Bækurnar og hljóðbækurnar úr fjölmennningarverkefninu Gaman að lesa saman (samstarfsverkefni á milli Bókasafns Reykjanesbæjar, leikskólanna í Reykjanesbæ og Hljóðbókasafns Íslands) eru á leikskólum Reykjanesbæjar og nýtast til sérkennslu fyrir börn af erlendum uppruna. Leikskólinn Gefnarborg í Garði og Laut í Grindavík eru einnig með. Hljóðbækurnar eru ætlaðar tvítyngdum börnum þar sem leikskólinn er með fjölmennningarverkefnið Brú milli tungumála í gangi.

Bókaverðlaun barnanna: Bókaverðlaun barnanna voru í fyrsta sinn rafræn þannig að safnið sendi enga þátttökuseðla í ár en gestir voru minntir á kosninguna með auglýsingum innan safnsins.

Fjölskyldudagar: Laugardagar eru fjölskyldudagar á bókasafninu. Þá er settur fram dótakistill og sögupokar.

Barnahátíð í Reykjanesbæ: Í tilefni barnahátíðar var boðið upp á lestur á sögunni um Línu langsokk lesin af Höllu Karen.

Sögupokar: Markmiðið með sögupokunum er að hvetja foreldra til aukinnar samveru með börnum sínum í gegnum leik og lestur og örva ímyndunarafl og sköpunargleði barna.

Gömlu tölvuleikirnir: Keyptir voru gömlu tölvuleikirnir til að nota á staðnum. Markmiðið með þeim er að börn og foreldrar geti spilað saman gömlu leikina sem foreldrarirnir spiluðu þegar þeir voru yngri.

Norræna bókasafnavikan: Í Norrænu bókasafnavikunni var stillt upp bókum eftir norræna höfunda og bækur eftir norræna höfunda lesnar í sögustund.

Fjölmennning

Heimskonur: Hópurinn Heimskonur hefur nú verið starfræktur í tæplega fimm ár og gengur mjög vel. Hist hefur verið mánaðarlega og verið mjög vel mætt í öll skiptin (8 – 20 konur á hverjum fundi). Einnig hafa einhverjar úr hópnum verið að hittast fyrir utan mánaðarlegu fundina. Fésbókar síða hópsins hefur verið mjög virk og góð samskipti farið fram á henni. Gerður var bæklingsur með dagskrá á íslensku og ensku. Á árinu var farið í jólakortagerð, sjálfsvarnarnámskeið, jóga, snætt saman, partý, bíó, jólakökubakstur og föndur.

Heilakúnstir: Rauði krossinn og Bókasafn Reykjanesbæjar bjóða upp á heimanámsaðstoð fyrir grunnskólabörn í Reykjanesbæ. Sjálfboðaliðar sjá um aðstoðina.

Samstarf við Miðstöð Símenntunar á Suðurnesjum: Hópar úr landnemaskólanum og Menntastöðun koma í heimsókn á safnið.

Fjölmenningaráð Reykjanesbæjar: Anna María situr fyrir hönd bókasafnsins í fjölmenningarráði Reykjanesbæjar. Fjölmenningardagurinn var haldinn 12. maí.

Hælisleitendur: Bókasafnið kemur að þjónustu við hælisleitendur í Reykjanesbæ og fær hver hælisleitandi bókasafnskort án endurgjalds og því fylgir aðgangur að tölvu í allt að klukkustund á dag. Þetta er í samstarfi við velferðarsvið.

Millisafnalán: Bókasafnið sinnir þjónustu við skóla og stofnanir um allt land með því að lána bækur á pólsku og ensku til lengri eða skemmri tíma.

Samstarf við Norræna húsið: Bókasafn Reykjanesbæjar er í samstarfi við Norræna húsið um lán á bókum á norrænum tungumálum hjá Norræna húsinu með gildu bókasafnskorti á Bókasafni Reykjanesbæjar. Lánþegar þurfa þó að hafa sjálfir fyrir því að ná sér í bækur og skila þeim aftur.

HEIMSENDINGÞJÓNUSTA

Rannveig Lilja Garðarsdóttir og Oddný Leifsdóttir hafa umsjón með heimsendingaþjónustu bókasafnsins. Sjöfn Eysteinsdóttir hefur komið að umsjón í leyfi Rannveigar. Farið hefur verið í heimsendingar, á Nesvelli og Hrafnistu aðra hverja viku. Einnig hefur verið farið á Sjúkrahús Suðurnesja einu sinni í mánuði. Um 9 lánþegar hafa þegið þjónustu í heimahús með reglulegu millibili. Þar að auki hafa starfsmenn safnsins verið milligönguliðir á milli lánþega og Hljóðbókasafn Íslands þegar þannig hefur staðið á. Um 20 lánþegar nýta þjónustu bókasafnsins á Nesvöllum og á Hrafnistu eru um 4 manns sem nýta sér þjónustuna.

Samtals gögn í útlán (tölur síðasta árs í sviga):

Heimsendingar: 788 (789)

Nesvellir: 318 (429)

Hrafnista: 18 (126)

Sjúkrahúsið: 86 (32)



KYNNINGAR- OG MARKAÐSMÁL ÁSAMT MENNINGARVIÐBURÐURM

Í markaðsstarfi starfsins er unnið með póstlista, facebook, instagram, pinterest og heimsíðu safnsins. Sótt var um styrk til Uppbyggingarsjóðs Suðurnesja um Kynningu á bókmenntaarfinum og Sögur: skapandi skrif í bókasöfnum og fengust styrkir. Einnig fékk safnið styrk úr Þróunarsjóði innflytendamála. Fræðslu- og viðburðadagskrám hefur fjölgað og gestakomur hafa aukist á safninu þ.e. aðsókn að viðburðum hefur aukist í takt við fjölgun þeirra. Heildarfjöldi viðburða á árinu voru 164 og skráðir gestir voru 14.939.



Reglulegir/fastir viðburðir:

Bókakonfekt: Stærsti bókmenntaviðburður ársins þar sem rithöfundar koma í lok nóvember og lesa úr verkum sínum sem hafa nýlega komið út. Í ár komu Þóra Kristín Ásgeirsdóttir, Sigríður Hagalín Björnsdóttir og Dagný Maggýjar. Í upphafi viðburðar spiluðu nemendur í Tónlistarskóla Reykjanesbæjar á gítar.

Bókakonfekt barnanna: Árlegur bókmenntaviðburður fyrir börn var haldinn í annað sinn, nú í lok nóvember. Höfundar koma og lesa úr verkum sínum. Í ár komu Arndís Þórarinsdóttir og Katrín Ósk Jóhannsdóttir. Kór Tónlistarskóla Reykjanesbæjar söng í upphafi viðburðar.

Erlingskvöld: Bókmenntaviðburður til heiðurs Erlingi Jónssyni listamanni. Í ár komu Kristín Helga Gunnarsdóttir og Kristín Steinsdóttir og lásu úr nýjustu verkum sínum. Feðginin Jana María Guðmundsdóttir og Guðmundur Hreinsson sungu saman í upphafi kvölds.

Litum saman: Fjölskyldum er boðið upp á að lita saman einu sinni í mánuði á laugardegi.

Spilum saman: Fjölskyldum er boðið upp á að spila saman einu sinni í mánuði á laugardegi.

Leshringur: Bókasafnið starfrækir Bókaklúbb sem hittist einu sinni í mánuði og ræðir fyrirfram ákveðna bók sem allur hópurinn les.

Uppskeruhátíð sumarlesturs: Hátíð fyrir börn sem tóku þátt í Sumarlestri sem er átaksverkefni í bókasafninu með því markmiði að hvetja börn til að lesa í sumarfríinu. Að þessu sinni var haldin Húllasmiðja með Húlladúllunni þar sem krakkar gátu lært að húlla. Öll börn fengu verðlaun í lok hátíðar.

Þrjónahlýja: Hópur kvenna sem hittist reglulega í bókasafninu og vinnur handavinnu. Útkoman eru vettlingar og sokkar sem leikskólarnir fá gefins.

Bréfamarapön Amnesty International: Bókasafnið tekur alltaf þátt í átakinu í tvær vikur í desember þar sem fólk getur komið og skrifað undir áskoranir á vegum Amnesty.

Heimskonur: Heimskonur er fjölþjóðlegur hópur kvenna sem hittist að minnsta kosti einu sinni í mánuði í bókasafninu og spjallar um lífið og tilveruna á Íslandi. Við skipuleggjum alls konar fleiri viðburði fyrir Heimskonur sem eru haldnir í bókasafninu og annars staðar eins og til dæmis listasmiðjur, jógatíma, fatamarkað ofl.

Heilakúnstir: Heilakúnstir er heimanámsaðstoð sem Rauði Krossinn á Suðurnesjum veitir alla þriðju- og fimmtudaga í bókasafninu.

Foreldramorgnar: Samverustund foreldra með ung börn í safninu. Í annað hvert skipti yfir vetrarmánuðina fá foreldrar fræðslu sem snýr að þörfum og uppeldi ungbarna. Hin skiptin er notalegt spjall. Foreldramorgnar eru búnir að skapa sér sess meðal foreldra ungra barna og eru flestir viðburðirnir virkilega vel sóttir.

Notalegar sögustundir: Síðasta laugardag í mánuði er Notaleg sögustund með Höllu Karen sem er einn vinsælasti reglulegi viðburðurinn í bókasafninu. Þá les og syngur Halla Karen, leikkona og grunnskólakennari fyrir stóran hóp barna á aldrinum eins til átta ára, og foreldra þeirra.

Bókabíó: Síðasta föstudag í mánuði er sýnd kvikmynd sem gerð hefur verið eftir samnefndri bók. Myndirnar sem eru sýndar eru hugsaðar fyrir alla fjölskylduna.

Fornsögunámskeið: Tvisvar á ári er fornsögunámskeið haldið í bókasafninu þar sem Þorvaldur Sigurðsson bókmennta- og íslenskufraeðingur fjallar um fornsögurnar. Á vorönn var farið yfir Njálu en á haustönn var farið yfir Færeyingasögu.

Saumað fyrir umhverfið: Fyrsta laugardag í mánuði er Saumað fyrir umhverfið í miðju safnsins. Þá gefst gestum tækifæri til að sauma margnota taupoka sem eru til láns undir bækur í bókasafninu.

Aðrir viðburðir á árinu:

Hugleiðsluhádeggi: Bókasafnið bauð upp á Hugleiðsluhádeggi í tvo mánuði á haustmánuðum í samstarfi við Búddahofið WAT Buddha Iceland sem er staðsett beint á móti safninu. Um vorið hafði Hugleiðsluhádeggi verið reglulega, á hverjum mánudegi þar sem tveir starfsmenn bókasafnsins leiddu hugleiðsluna.

Dagskrá í vetrarfrí grunnskóla bæjarins: Að þessu sinni var Hrekkjavökuföndur í Bókasafninu þrjá daga í Vetrarfrí grunnskólanna. Aðsóknin var ótrúleg, en um 700 manns mættu og föndruðu. Virkilega góð afþreying fyrir fjölskyldur sem eyddu talsverðum tíma í bókasafninu þessa daga. Föndrið var í boði allan daginn.

Lesandi vikunnar: Á sumrin er valinn einn virkur lesandi í bókasafninu sem tekið er viðtal við um uppáhalds bækur og fleira. Viðtalið birtist vikulega í Víkurfréttum.

Krakkajóga: Einu sinni á ári fáum við til okkar jógakennara sem starfar sem leikskólakennari og viðkomandi kennir einn jóгатíma fyrir börn á laugardegi.

Silkipryknámskeið með Gillian Pokalo: Gillian er bandarískur myndlistarmaður sem hefur undanfarin sumur boðið upp á frítt silkiprykk námskeið í Bókasafninu þar sem innblásturinn er íslensk náttúra.

Ljóðakvöld með Bubba og Bjartmari: Bubbi Morthens og Bjartmar Guðlaugs lásu upp úr ljóðabókum sínum.

Páskaföndur: Páskaföndur var í boði þrjá daga í kringum páskafri þar sem fjölskyldan gat mætt hvenær sem er yfir daginn og föndrað.

Kakóhugleiðsla og heilandi tónar: Kamilla Ingibersdóttir bauð upp á kakóhugleiðslu og heilandi tóna kristalskála eitt hádeggið.

Konsertkaffi: Norræna félagið í Reykjanesbæ býður upp á konsertkaffi árlega þar sem tónlistarfólk kemur fram og spilar norræn lög í tilefni Dags Norðurlanda. Að þessu sinni spiluðu og sungu Arnór Vilbergsson og Elmar Þór Hauksson.

Krakkakostningar: Bókasafnið efndi til Krakkakosninga samhliða sveitarstjórnarkosningum. Þar var spurt út í hvað krakkarnir vildu helst gera í bókasafninu og var tölvuleikjaspil langvinsælasta afþreyingin sem krakkarnir völdu.

Gamandrama: Opnuð var myndasögusýning Lóu Hlínar í unglingadeild safnsins sem stóð uppi í sex vikur.

Námskeið í myndasögugerð með Lóu Hlín: Í tilefni myndasögusýningar Lóu Hlínar sem sett var upp í bókasafninu, var haldið námskeið í myndasögugerð einn laugardag fyrir yngri notendur safnsins.

60 ára afmæli Bókasafns Reykjanesbæjar: Í tilefni 60 ára afmælis bókasafnsins þann 7. mars var haldin fjölmenn afmælisveisla þar sem bæjarbúum var boðið í kaffi og köku. Mikki refur og mús komu og tóku lagið og sungu afmælisönginn. Gefnir voru fjölnota pokar og trélitir með afmælismerki bókasafnsins.

Bókasafnsdagurinn og Alþjóðlegur dagur læsis: Á þessum dögum vekur bókasafnið athygli á dögnum með fjölbreyttum hætti, bæði í safninu og á samfélagsmiðlum. Á bókasafnsdeginum var boðið upp á konfekt, felldum niður sektir og starfsmenn gæddu sér á kökum á þessum hátíðisdegi.

Jólaöfundur: Boðið var upp á jólaöfundur yfir allan daginn, vikuna fyrir jól þar sem hægt var að föndra falleg jólakort. Einnig var tekið þátt í jólasveinalestri í samstarfi við Menntamálastofnun.

Kynning fyrir MSS: Nemendur í Miðstöð Símenntunar á Suðurnesjum koma 1-2x á ári í kynningu á starfsemi bókasafnsins.

Fullorðinsöfundur í tengslum við ARTMONEY sýninguna: Í kjölfar opunar á myndlistsýningunni List sem gjaldmiðill var haldið föndurkvöld fyrir fullorðna þar sem þátttakendum gafst kostur á að búa til sinn eigin listpening.

Tónleikar með S.Hel og sýning á myndinni Battleship Potemkin: Á Ljósanótt voru tónleikar með S.Hel, tónlistarmanni frá Suðurnesjunum þar sem hann frumflutti skor við svarthvítu kvikmyndina Battleship Potemkin.

Þrjónahlýja – leikskólaföt: Höfundar þrjónabókanna Leikskólaföt 1 og 2 komu og ræddu um hönnun og gáfu góð ráð.

Plastlaus september: Bókasafnið tók þátt í átakinu sem miðar að því að takmarka notkun plasts. Ekki er lengur hægt að fá plastpoka undir bækur, heldur bréfpoka og margnota taupoka.

Fjölmenningardagur: Fjölmenningardagurinn er haldinn árlega og skipulagður af þverfaglegum hópi innan Ráðhúss Reykjanesbæjar. Dagskráin inniheldur fyrirlestra, tónlist og matarupplifun og er haldin í bókasafninu.

Ljósmyndasýningin BLEIK: Krabbameinsfélag Íslands stóð fyrir ljósmyndasýningunni BLEIK í tilefni átaksins Bleikur október. Sýningin var haldin á nokkrum stöðum á landinu og hékk uppi á efri hæð safnsins allan októbermánuð. Formleg opnun sýningarinnar í safninu.

Útgáfuhóf: Af og til leita rithöfundar á Suðurnesjunum til okkar um að halda útgáfuhóf vegna útgáfu nýrra bóka. Dagný Maggýjar var með útgáfuhóf fyrir bók sína Á heimsenda og Marta Eiríksdóttir með Mojfríði.

Pólsk menningarhátíð: Í tilefni 100 ára sjálfstæðisafmælis Póllands hélt Reykjanesbær pólska menningarhátíð í Bókasafni Reykjanesbæjar. Fjölmörg ræðu- og tónlistaratriði voru á dagskrá, pólskur matur í boði og kynning á pólskri sögu.

KynVera með Siggú Dögg: Tveir viðburðir voru haldnir í tengslum við útgáfu bókarinnar KynVera eftir Siggú Dögg kynfræðing. Annað kvöldið var fyrir unglinga og hitt fyrir ömmur og mömmur þar sem Sigga Dögg las upp úr bók sinni og ræddi innihaldsefni bókarinnar við þessa ólíku hópa.

Rafmagnsgítarsamspil á vegum Tónlistarskóla Reykjanesbæjar: Tónleikar voru haldnir í miðju safnsins rétt fyrir jól.

Umhverfisvæn jól: Þrír viðburðir í bókasafninu sem hvöttu til umhverfisvænni jóla. Tvö sápugetðanámskeið voru haldin og jóla skiptimarkaður þar sem hægt var að skipta á barnafötum, leikföngum og bókum.

Spilavinir: Starfsmenn spilavina komu í safnið með spennandi spil þar sem gestir, háir sem lágir, spiluðu saman.

Heilsu og forvarnarvika: Kjartan Már Kjartansson bæjarstjóri setti heilsu- og forvarnarviku í Reykjanesbæ í bókasafninu. Aðstandendur Einars Darra sem lést 2018 eftir neyslu róandi lyfja sögðu sögu hans og sýndu myndband og dreidu armböndum. Í Heilsuviku var boðið upp á Hugleiðsluhádeggi í samstarfi við WAT Buddha Iceland þar sem Búddamunkurinn Venerable Wanchai leiddi hugleiðsluna.

Upptökur: Menntamálastofnun fékk aðstöðu í „Búrinu“ til þess að taka upp foreldramyndbönd.

Fyrirmyndardagurinn: Safnið tekur þátt í fyrirmyndadeginum þar sem vakinn er athygli á vinnu einstaklinga með skerta starfsgetu. Vinur okkar Arngrímur af Suðurgötunni stóð vaktina með okkur þennan dag.

Uppllestur í leikskólum: Valgerður og Anna María fóru í leikskóla og lásu fyrir hóp ungra barna jólasögu.

Safnahelgi á Suðurnesjum: Teiknimyndasögusýning Lóu Hlínar eða Lóaboratoríum í unglinga- og teiknimyndasöguhorni safnsins.

Heimsókn: Pólski sendiherrann kom í óopinbera heimsókn til Reykjanesbæjar ásamt eiginkonu sinni. Þeim hjónum var sýndur pólski safnkosturinn og þau færðu safninu bókargjöf.

Kynning á bókmenntaarfinum: Bókasöfnin á Suðurnesjum standa saman að dagskrá undir yfirskriftinni „Kynning á menningararfinum“, þar sem fjallað er um bókmenntir á ýmsan máta. Verkefnið er styrkt af Uppbyggingarsjóði Suðurnesja. Söfnin buðu upp á eftirfarandi dagskrá árið 2018: Kristín Helga Gunnarsdóttir í Bókasafninu í Vogum. Í mars var haldið Erlingskvöld þar sem Kristín Steinsdóttir og Kristín Helga Gunnarsdóttir lásu upp úr verkum sínum. Fegðginin Guðmundur og Jana spiluðu og sungu nokkur lög. Ljóðakvöld var haldið í fyrsta skipti í Bókasafninu í Reykjanesbæ og tókst vel til. Bjartmar Guðlaugsson og Bubbi Morthens mættu og lásu upp úr ljóðabókum sínum. Einar Kárasón mætti í bókasafn Sandgerðis. Í Bókasafni Grindavíkur kom Harpa Rún Kristjánsdóttir bókmenntafræðingur með erindi um „Geðveikar húsmæður fyrr á tímum“. Í bókasafninu í Garði lásu þau Gyrðir Elíasson og Guðrún Eva Mínevrudóttir upp úr bókum sínum. Í nóvember var bókakonfekt barnanna í Bókasafni Reykjanesbæjar þar sem Katrín Ósk Jóhannsdóttir las upp úr Mömmugull og Arndís Þórarinsdóttir las úr Nærbuxnaverksmiðjunni. Barnakór frá Tónlistarskóla Reykjanesbæjar tóku nokkur lög. Á Bókakonfekt mættu Sigríður Hagalín, Dagný Gísladóttir og Þóra Kristín Ásgeirsdóttir og þrír gítarsnillingar frá Tónlistarskóla Reykjanesbæjar spiluðu fyrir gesti.

Sýningar í Áthtagastofu:

60 ára Afmælisýning Bókasafns Reykjanesbæjar: Í tilefni 60 ára afmælis bókasafnsins var sett upp sýning um þróun íslenskra bókasafna og sögu Bókasafns Reykjanesbæjar. Sýningin stóð uppi frá 7. mars 2018-15. ágúst 2018.

List sem gjaldmiðill – ARTMONEY NORD: List sem gjaldmiðill er myndlistarverkefni þar sem listamenn af Norðurlöndunum skapa sinn eigin gjaldmiðil og velta fyrir sér verðgildi listar. Sýningin stóð uppi frá 30. ágúst 2018 til 16. október 2018.

Afmælisýning Tjarnarsels: Í tilefni 50 ára afmæli elsta leikskóla Reykjanesbæjar var opnuð sýning um sögu Tjarnarsels og leikskóla á Íslandi. Sýningin opnaði 13. desember 2018 og mun standa til lok mars 2019.

Sýning á Tréskurðarverkum: Benedikt Máni 13 ára var með sýningu á tréskurðarverkum sínum í glerskáp.

Kynningarmál

Rými Bókasafnsins: Allar auglýsingar eru hengdar upp í rými bókasafnsins. Þannig sjá notendur bókasafnsins hvað er að gerast í safninu hverju sinni.

Miðlar

Heimasíða Bókasafns Reykjanesbæjar: Á heimasíðunni eru skrifaðar fréttir um starfsemi bókasafnsins, allir viðburðir auglýstir og síður með margvíslegum upplýsingum, til dæmis um sýningar í safninu, útlánareglur, safnkostinn og margt fleira.

Instagram: Instagram er vinsælasti samfélagsmiðill unga fólksins og þar eru settar inn myndir úr daglegu starfi bókasafnsins auk þess sem viðburðir eru auglýstir á myndrænan hátt.

Facebook: Bókasafnið nýtir sér Facebook á fjölbreyttan hátt. Allir viðburðir á vegum safnsins eru auglýstir þar, alls konar upplýsingum um þjónustu safnsins er komið á framfæri og myndir úr daglegu starfi settar inn. Auk þess heldur Bókasafnið utan um nokkra lokaða Facebook hópa, t.d. fyrir Foreldramorgna, Leshring og Heimskonur.

Póstlistar/fréttabréf: Eitt vinsælasta póstlistaforritið – MailChimp er notað til þess að senda út auglýsingar um viðburði safnsins.

Hefðbundnir fjölmiðlar/annað: Allir viðburðir eru skráðir á Viðburðasíðu Reykjanesbæjar og einnig birtast flestir þeirra í Viðburðatorgi Reykjanesbæjar í Víkurfréttum á hverjum fimmtudegi. Umfjallanir um viðburði á okkar vegum birtast oft í Víkurfréttum og af og til náum við eyrum landsfjölmiðlanna.

TÖLVU- OG TÆKNIMÁL

Tölvueign: 14 tölvur eru nú í eigu safnsins, þar af 3 nettölvur fyrir gesti með prentara, 2 leitartölvur fyrir gesti, ein á neðri hæð sem veita aðgang að leitir.is, þar sem hægt er að fletta í bókakosti allra bókasafna á landinu auk rafrænna gagnasafna og ein sjálfsafgreiðsluvél. Boðið er upp á þráðlaust net fyrir gesti og er aðgangur ókeypis fyrir lánþega safnsins. Lánþegum býðst einn klukkutími á dag í netkaffinu án endurgjalds. Loks eru sex tölvur á vinnustöðum starfsmanna. Árið 2018 voru 2.210 skráningar í netkaffi bókasafnsins sem gerir um 184 á mánuði. Mest var aðsóknin í netkaffið í ágúst eða 322 innskráningar.

Forrit og kerfi: Stýrikerfi á tölvum bókasafnsins er Windows 10. Bókasafnskerfið Gegnir er sett upp á allar tölvur fyrir utan leitartölvur lánþega og netkaffi. Gegnir er samskrá íslenskra bókasafna og veitir aðgang að safnkosti nær allra íslenskra bókasafna svo hægt er að leita innan hans. Í Gegni fara fram öll útlán, skil, skráning, tengingar, millisafnalán og stór hluti heimildaleita. Forritið sem heldur utan um netkaffið heitir TrueCafe. Helstu forrit sem starfsfólk notar eru þau sem fylgja Microsoft Office kerfinu og Gegnir. Önnur helstu forrit eru Adobe Creative suite, Dreamweaver, Photostation, Microsoft Publisher, Acrobat Writer og GoPro. Byrjað var að setja inn myndir safnsins í forritið FotoStation sem heldur utan um myndir Reykjanesbæjar.

UPPLÝSINGAÐEILD

Upplýsingaþjónusta og heimildaleitir: Starfsemi Upplýsingadeildar bókasafnsins felst í einstaklingsþjónustu til þeirra sem leita eftir upplýsingum og heimildum en er jafnframt fólgin í leiðbeiningum um bóka- og tímaritakost safnsins og um rafrænar leiðir til markvissrar upplýsingaöflunar. Markmið Upplýsingadeildar er að veita öllum sem leita til safnsins, nútíma- og faglega upplýsingaþjónustu. Starfsfólk upplýsingadeildar leggur áherslu á að efla með notendum færni í upplýsingalæsi, þ.e. að finna, nota og meta upplýsingar með faglegum og ábyrgum hætti. Því býður upplýsingadeild viðskiptavinum upp á notendaþjónustu þar sem farið er yfir helstu þætti upplýsingalæsis. Jafnframt sér deildin um kynningar fyrir hópa sem vilja kynna sér safnið og starfsemi þess. Útliti leitir.is var breytt á árinu til hægðarauka fyrir notendur. Áfram verður lögð var áhersla á að kynna leitir.is til heimildaleita í gagnagrunni bókasafna auk fræðigreina. Á leitir.is er hægt finna efni í rafrænum gagnasöfnum eins og hvar.is og timarit.is. Skráðar beiðnir um heimildaleit voru 179 (178). Upplýsingaþjónustan sem er á neðri hæð safnsins virðist vera að festa sig frekar í sessi hjá bæjarbúum. Aðstaðan á neðri hæð safnsins er nýtt daglega af lánþegum. Heimanámsaðstoðin er í „Búrinu“ þar sem sjálfboðaliðar frá Rauða krossinum aðstoða tvisvar í viku yfir vetrartímann.

Millisafnalán: Beiðnir um millisafnalán frá öðrum söfnum 42 (48), millisafnalán til annarra bókasafna, 64 lán til annarra stofnana s.s. skóla 2782 (2938) og lán til skipshafna (skipakassar) 425 (410).

Notendafræðsla: Með notendafræðslu gefst lánþegum kostur á að fá kennslu í upplýsingalæsi, sem minnst var á hér að ofan, og heimildaleit í sérhæfðum gagnagrunnum. Þjónustan er gjaldfrjáls. Þrátt fyrir litla eftirspurn er nauðsynlegt að geta boðið upp á þessa kennslu og því er vilji fyrir að halda henni áfram. Á árinu 2018 var farið í notendafræðslu um Rafbókasafnið og hefur þeim notendum fjölgað jafnt og þétt.

Upplýsingavakt: Þórey, Guðný og Stefanía sinntu upplýsingavakt á bókasafninu. Miðað er við að starfsmaður sé á upplýsingavakt frá 9 til 16 virka daga og það hefur tekist betur upp en áður. Viðskiptavinum er boðið að fylla út beiðni um fyrirsurnir og heimildaleitir þegar enginn er á upplýsingavakt.

ÚTLÁNAÐEILD

Verksvið: Markmið útlánadeildar er að veita gestum Bókasafnsins sem besta þjónustu í miðlun upplýsinga á öllum sviðum. Undir útlánadeild falla eftirtaldir verkþættir: útlán og móttaka safnefnis bókasafnsins, innheimta vanskila, pantanaþjónusta, heimsendingarþjónusta, útlán til aldraðra, útlán til skipa, þjónusta við sjúkrahúsið og dvalarheimilin, símsvörun og upplýsingar í síma, upplýsingar og leiðbeiningar til viðskiptavina, tölvuþjónusta fyrir viðskiptavinum, aðstoða viðskiptavini við tölvunotkun, uppröðun í hillur, grisjun og tiltektir, fylgjast með gagnaeygn safnsins og koma með tillögum um innkaup, fylgjast með útgáfu bæði innanlands og erlendis, sýningar á safnefni og ýmis önnur tilfallandi verkefni. Byrjað var á sölu strætókorta fyrir USK í gegnum kassakerfi safnsins. Farið var í endurskoðað á eyðublöðum safnsins vegna nýrra persónuverndarlaga.

Útlán: Útlán frá afgreiðsluborði safns árið 2018 voru 79.492 (75.336). Heimsendingar og útlán á elliheimili og sjúkrahúsið voru alls 1.210 (1.376). Útlán til grunn- og leikskóla (koffort, hljóðbækur, bekkjarsöfn) voru: 18.684 (18.684). Útlán í öðrum verkefnum s.s. bókaspylli voru 320 (540). Flest útlán frá afgreiðsluborði voru í júlí 8.813. Safnið var opið í 51 klst á viku yfir veturinn 297 (300) daga á árinu. Útlán í rafbókasafni voru 498.

VIÐGERÐIR OG BÓKBAND

Gert er við safngögn eins hægt er hér í húsi. Ekkert var bundið inn af Faxa né Víkurfréttum á árinu. Innbindingu á Faxa gæti verið sjálfhætt þar sem byrjað er að mynda Faxa á timarit.is. Umsjón með viðgerðum hefur Jóna Þórudóttir.



YFIRLIT YFIR HEIMSÓKNIR, FERÐIR, SAMSTARFSVERKEFNI, FUNDI, ERINDI, RÁÐSTEFNUR OG NÁM/NÁMSKEIÐ

Heimsóknir:

Landnemahópur frá MSS
Menntastofur frá MSS í kynningu og heimildavinnu
Björk Hólm Þorsteinsdóttir frá Menningarmiðstöðinni á Dalvík

Stjórnsýslusvið:

Fundar óreglulega
Menningarráðsfundir

Nám og námskeið:

Overdrive og Rafbókasafnið SG,OL
Ofurþjónustunámskeið SG
Starfsgreinakynning fyrir grunnskólanemendur – ÞÖG,VBP
Samfélagsmiðlun sem virkar – AMC,AMÓ
Starf vefstjórnarinnar – AMÓ
Skapandi forysta – AMÓ,SG
Árangursrík stjórnun - SG
Námskeið í Njáls sögu – SG
Námskeið í Færeyinga sögu – SG
Nám í safnafræði við HÍ – AMC,ÞÖG,GKB

Ráðstefnur, fundir:

Ráðstefna Heilsuefandi samfélags í Reykjanesbæ – SG
Málþing „þegar kona brotnar“ – SG
Rætur og vængir/Roots and wings – SG,AMC
Áskoranir og tækifæri – þú hefur áhrif – VBP
Fjölmíðla-framkomunámskeið – VBP
Landsfundur Upplýsingar - AMC,ÞÖG,GW,GKB,VP,SG,OL,JÞ,MD
Fundaröð Persónuverndar um nýja persónuverndarlöggjöf – AMC,VBP,JÞ,GBK
200 ára afmæli Landsbókasafns - SG
Fræðslufundur skrásetjara – ÞÖG,GKB
Kynning á Tilraunaverkstæði í Gerðubergi – SG,
Fræðsludagur starfsmanna - SG,RG,OL,AMC,GW,ÞÖG
Vinnuhópur um nýtt bókasafnskerfi – ÞÖG
Fjölmenningsfundir – AMC fulltrúi
Reglulegir fundir með hagdeild – SG
Starfsmenn á skólasöfnum í Reykjanesbæ – SG, AMC
Húsráð í Ráðhúsi – SG fulltrúi
Notendaráðstefna Aleflis - ÞÖG,GKB
Aðalfundur Landskerfis í maí - SG fulltrúi
Stjórnendadagur – SG/ÞÖG
Fundir SFA – SG
Aðalfundur Málræktarfélags Íslands í júní – ÞÖG fulltrúi
Samstarfsfundur Suðurnesjasafna – SG
Umsjón með bókaspylli – AMÓ,VBP
Heimsókn í Finnlandi - SG

Samstarfsverkefni, nefndir og stjórnir:

Fulltrúaráð Þjónustumiðstöðvar bókasafna – SG
Stjórnarfundir í Þjónustumiðstöð bókasafna - SG
Byggðasafn Reykjanesbæjar - samstarf um ýmis verkefni
Kynning á bókmenntaarfinum – með almenningabókasöfnunum í Grindavík, Garði, Sandgerði og Vogum
Bókasafnsdagurinn – kynning á bókasöfnum og starfsemi þess
Heilsuvika - KÚMM teymi
Hljóðbækur fyrir börn innflytjenda - samstarf við Hljóðbókasafn – AMC
Landskerfi bókasafna – SG
Málræktarfélag Íslands – ÞÖG fulltrúi Reykjanesbæjar á aðalfundi (SG varamaður í stjórn 2016-18)
Samstarf bókasafna í SUD50 stjórnunareiningu Gegnis – SG
Samstarf almenningabókasafna á Suðurnesjum - SG
Samtök forstöðumanna almenningabókasafna – SG fulltrúi
Stýrihópur um fjölmenningu í Reykjanesbæ –AMC fulltrúi stjórnsýslusviðs
Upplýsing - Félag bókasafns- og upplýsingafræða - allir starfsmenn félagar

Starfsmannafundir, starfsmannamál:

Hópaþingur – teymi um málefni/verkefni funduðu eftir þörfum
Starfsmannafundir
Starfsmannasamtöl – allir starfsmenn

Ársskýrsla þessi byggir á ítarlegum skýrslum frá deildarstjórum og umsjónarmönnum verkefna.
Gjört í febrúar 2019
Stefanía Gunnarsdóttir
forstöðumaður

